



აღსრულების ეროვნული ბიურო National Bureau of Enforcement

სატენდერო დოკუმენტაცია

სსიპ „აღსრულების ეროვნული ბიუროს“ ტერიტორიულ ბიუროში - ქ. თელავში სასაჩუქრე ანგარებისა და ავტოსადგომის სამშენებლო სამუშაოების შესყიდვა ელექტრონული ტენდერის საშუალებით

CPV – 45200000; 45213000.

დაფინანსების წყარო - სსიპ „აღსრულების ეროვნული ბიურო“-ს 2016-2017 წლების საკუთარი შემოსავლები

შესყიდვის სავარაუდო ღირებულება შეადგენს - **749 740,00 ლარი**

ქ. თბილისი
2016 წელი

სარჩევი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია (თანდართული დანართებით N1; 2; 3; 4; 5).
3. სახელმწიფო შესყიდვის შესახებ ხელშეკრულების ფორმა.
4. მშენებლობის პროექტი.

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2. ტექნიკური დოკუმენტაცია

2.1 შესყიდვის ობიექტის ტექნიკური მახასიათებლები - ტექნიკური დავალება

(ტექნიკური დავალების პირობები გათვალისწინებული იქნება შემდგომში გამარჯვებულ პრეტენდენტთან გაფორმებულ სახელმწიფო შესყიდვების შესახებ ხელშეკრულებაში):

2.1.1 ობიექტის აღწერილობა:

2.1.1 შესყიდვის ობიექტი - სსიპ „აღსრულების ეროვნული ბიუროს“ ტერიტორიულ ბიუროში - ქ. თელავში სასაწყობო ანგარებისა და ავტოსადგომის სამშენებლო სამუშაოები. აღნიშნული სამუშაოები უნდა შესრულდეს სატენდერო დოკუმენტაციით გათვალისწინებულ პროექტისა და დანართი N1-ში მოცემული კონკრეტული სამუშაოების, მოცულობების და პირობების შესაბამისად (დანართი N1 და პროექტი ერთიან ელექტრონულ სისტემაში ატვირთულია ცალკე ფაილებად და ითვლება სატენდერო დოკუმენტაციის განუყოფელ ნაწილად)

2.1.2 აღნიშნულ ობიექტებზე სამუშაოების პროცესში პრეტენდენტის (შემდგომში მიმწოდებლის) მიერ გამოყენებული ყველა მასალა-მოწყობილობა უნდა იყოს ახალი, ქარხნული წარმოების და მაღალის ხარისხის, რაზეც შემსყიდველს უფლება აქვს, სურვილისამებრ მოითხოვოს საერთაშორისო სტანდარტის დამადასტურებელი სერთიფიკატ(ებ)ი, ასევე, სამუშაოების ნებისმიერ ეტაპზე, შემსყიდველის მოთხოვნის შემთხვევაში, სავალდებულოა წარმოდგენილ იქნას აღნიშნული სამუშაოებისთვის განკუთვნილი გამოსაყენებელი მასალებისა და მოწყობილობების ნიმუშები, მოთხოვნიდან 2 სამუშაო დღის ვადაში (მოთხოვნა შესაძლოა განხორციელდეს როგორც წერილობით ასევე სიტყვიერად), აღნიშნული ნიმუშები, როგორც ხარისხის, ასევე ვიზუალური თვალსაზრისით შეიძლება დაწუნებულ იქნას შემსყიდველის მიერ. იმ შემთხვევაში, თუ მიმწოდებლის მიერ წარმოდგენილი ნიმუშები და/ან შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოასწოროს, წარმოადგინოს სხვა, შემსყიდველისათვის მისაღები მასალა, მოწყობილობა და სამუშაო.

2.1.3 სამუშაოების სრული ჩამონათვალი და მოცულობები იხილეთ სატენდერო დოკუმენტაციით გათვალისწინებულ დანართი N1-ში. დანართ N1-ში გათვალისწინებული სამუშაოების განხორციელება ტენდერში გამარჯვებულმა კომპანიამ უნდა უზრუნველყოს საკუთარი მასალებითა და ხარჯებით (იმ შემთხვევებში თუ დანართი N1-ში (ხარჯთაღრიცხვა) გამოსაყენებელ მასალებზე/დეტალებზე მითითებულია კონკრეტული მწარმოებლის მოდელები, აღნიშნული ფაქტი განპირობებულია დეტალების უკეთ აღწერის მიზნით და არ ავალდებულებს მიმწოდებელს ზუსტად მითითებული პროდუქციის მიწოდებას. აღნიშნულ შემთხვევაში (ასეთის არსებობის შემთხვევაში) მიმწოდებელს შეუძლია წარმოადგინოს სხვა მწარმოებლის პროდუქცია, რომელსაც ექნება ხარჯთაღრიცხვაში მითითებული მასალის/დეტალის ექვივალენტური ან უკეთესი მახასიათებლები).

2.1.4 შესრულებულ სამუშაოთა მიღება-ჩაბარების აქტის გაფორმებისათვის, შესასრულებელი სამუშაოების ყოველთვიური გეგმა-გრაფიკის შესაბამისად, ყოველ კონკრეტულ ეტაპზე, მიმწოდებელმა უნდა წარმოადგინოს შემსყიდველს შესრულებული სამუშაოს შესახებ შედგენილი ფორმა N2, შესრულებული სამუშაოების მოცულობების და ხარისხის დადგენის მიზნით სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ ან სხვა შესაბამის სფეროში აკრედიტებული პირის მიერ გაცემული დასკვნა (სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა შესაბამის სფეროში აკრედიტებული პირის ხარჯებს ანაზღაურებს მიმწოდებელი) და ფარული სამუშაოების აქტი (ასეთის არსებობის შემთხვევაში) დადასტურებული შემსყიდველის წარმომადგენლის მიერ, რომლითაც დადასტურებული იქნება შესრულებულ სამუშაოთა მოცულობა და ღირებულება.

2.1.5 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველის მოთხოვნის საფუძველზე, პრეტენდენტი ვალდებულია მოთხოვნიდან 10 (ათი) სამუშაო დღის ვადაში, ფასწარმოქმნის ადეკვატურობის დასაბუთების მიზნით, წარმოადგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ ან სხვა შესაბამის სფეროში აკრედიტებული პირის მიერ გაცემული ექსპერტიზის დასკვნა (სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა შესაბამის სფეროში აკრედიტებული პირის ხარჯებს ანაზღაურებს პრეტენდენტი).

2.2 სამუშაოს შესრულების, ასევე საგარანტიო ვადები და პირობები

2.2.1 ტენდერში გამარჯვებულმა კომპანიამ სამუშაოები უნდა დაიწყოს ხელშეკრულების გაფორმების შემდეგ, შემსყიდველის წერილობითი მოთხოვნიდან არაუგვიანეს 3 (სამი) კალენდარულ დღეში და დაასრულოს არაუგვიანეს სატენდერო დოკუმენტაციით გათვალისწინებულ დანართი N2-ში მოცემული ვადების განმავლობაში, აღნიშნული დანართი პრეტენდენტის მიერ ატვირთულ უნდა იქნას ერთიან ელექტრონულ სისტემაში;

2.2.2. თუ სამუშაოების უსაფთხო წარმოებისთვის საჭიროა შესაბამისი სამსახურებთან შეთანხმებული, უსაფრთხოების სქემით სამუშაოების წარმოება, მიმწოდებელი ვალდებულია სრულად დაიცვას შეთანხმებული სქემით განსაზღვრული პერიმეტრი შესაბამისი მარეგულირებელი ნიშნებით;

2.2.3. მიმწოდებელმა თითოეულ ობიექტზე თვალსაჩინო ადგილას უნდა განათავსოს მინიმუმ 1 (ერთი) ცალი საინფორმაციო დაფა (100 სმ/80 სმ) სამუშაოების მიმდინარეობის შესახებ.

2.2.4. მიმწოდებელი სამუშაოების მიმდინარეობის შესახებ აწარმოებს ჟურნალს, რომელშიც ყოველ სამუშაო დღეს აღწერს შესრულებულ სამუშაოს, გამოყენებულ მანქანა-მექანიზმს, დასაქმებულ პერსონალს და ა.შ., ხოლო შემსყიდველის წამომადგენელი ტექნიკადამხმარებელი (ინსპექტირების ჯგუფის წევრ(ებ)ი) მოიწონებს და დაამოწმებს შესრულებულ სამუშაოს ან დაიწუნებს მას და მიუთითებს ხარვეზს, მისი გამოსწორების საშუალებებსა და გონივრულ ვადებს პერიოდულად;

2.2.5. სამუშაოების დასრულების შემდეგ შესრულებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.

2.2.6 სამუშაოების შესრულების ადგილმდებარეობა მოცემულია დანართი N2-ში.

2.2.7 შესრულებულ სამუშაოებზე უნდა ვრცელდებოდეს საგარანტიო პირობები სატენდერო დოკუმენტაციით გათვალისწინებულ დანართი N3-ში მოყვანილი პირობების შესაბამისად, (დანართი N3 პრეტენდენტის მიერ ატვირთულ უნდა იქნას ერთიან ელექტრონულ სისტემაში);

2.3 ანგარიშსწორების პირობები:

2.3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3.2 ანგარიშსწორება მოხდება ფაქტიურად შესრულებული სამუშაოების მოცულობის მიხედვით უნაღდო ანგარიშსწორებით ლარებში;

2.3.3 ანგარიშსწორება მიმწოდებელთან შესაძლებელია განხორციელდეს ეტაპობრივად ყოველ კონკრეტულ შემთხვევაში ფაქტიურად შესრულებულ სამუშაოებზე შესაბამისი მიღება-ჩაბარების აქტის გაფორმებისა და საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

2.3.4 ტენდერში შესაძლებელია განხორციელდეს წინასწარი ანგარიშსწორება შემსყიდველის მიერ განსაზღვრული და მასთან წინასწარ შეთანხმებული ოდენობის შესაბამისად, მაგრამ არაუმეტეს ხელშეკრულების ჯამური ღირებულების 40%-ისა. წინასწარი ანგარიშსწორების შემთხვევაში, ანგარიშსწორება განხორციელდება მიმწოდებლის მიერ წარმოდგენილი წინასწარ გადასახდელი თანხის იდენტური ოდენობის, მხოლოდ საბანკო დაწესებულების მიერ გაცემული, საბანკო გარანტიის საფუძველზე, წარმოდგენიდან 10 (ათი) სამუშაო დღის ვადაში. აღნიშნულ გარანტიაში მითითებული უნდა იქნას შესყიდვის კონკრეტული დასახელება, აღნიშნულ შესყიდვასთან დაკავშირებით გაფორმებული ხელშეკრულების ნომერი და პრეტენდენტის (ხელშეკრულებით – მიმწოდებლის) საიდენტიფიკაციო კოდი. აღნიშნული გარანტიის მოქმედების ვადა მინიმუმ 90 (ოთხმოცდაათი) კალენდარული დღით უნდა აღემატებოდეს სამუშაოს შესრულების საბოლოო ვადას. თეთრ სიაში რეგისტრირებული პრეტენდენტისთვის საბანკო გარანტიის ოდენობა ნახევრდება.

2.3.5 ყოველი მიღება-ჩაბარების აქტის გაფორმების შემდეგ (წინასწარ გადახდილი თანხის ამოწურვამდე) შემსყიდველი იღებს ვალდებულებას გადაუხადოს მიმწოდებელს მიღებული სამუშაოს ღირებულების 60% საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენისა და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

2.3.6 წინასწარ გადახდილი თანხის გათავისუფლება განხორციელდება ეტაპობრივად, ყოველ ეტაპზე მიღებული სამუშაოს 40%-ის ოდენობით, იმ პირობით, რომ თეთრ სიაში რეგისტრირებული მომხმარებლისთვის ჯერ გაიკეთება წინასწარ გადახდილი თანხის ის ნაწილი, რომელზედაც არ არის წარმოდგენილი საბანკო გარანტია.

2.3.7 წინასწარი გადახდილი თანხის გაქვითვის შემდეგ, ანგარიშსწორება იწარმოებს ფაქტობრივად შესრულებული სამუშაოს მიხედვით, შესაბამისი საგადასახადო ანგარიშ-ფაქტურის წარმოდგენისა და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

2.3.7 საბოლოო მიღება-ჩაბარების აქტის გაფორმებიდან 10 (ათი) სამუშაო დღის ვადაში შემსყიდველი მიმწოდებელს გადაუხდის მიღებული სამუშაოს ღირებულებასა და მიმწოდებელზე გადახდილ თანხებს შორის სხვაობას.

2.4. დამატებითი მოთხოვნები:

2.4.1 სატენდერო წინადადება, აგრეთვე, ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.4.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.4.3 სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორიცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ).

2.4.4 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.5. ინფორმაცია მსგავსი ტიპის სამუშაოების შესახებ:

2.5.1 პრეტენდენტს 2012 წლიდან დღემდე (ტენდერის გამოცხადების თარიღამდე) განხორციელებული უნდა ჰქონდეს მსგავსი (შენობის სამშენებლო - სარემონტო სამუშაოები) ტიპის სამუშაოები, რომლის ღირებულებაც ჯამში არ უნდა იყოს 2 500 000,00 (ორი მილიონ ხუთასი ათასი ლარი და 00 თეთრი) ლარზე ნაკლები, საქართველოს კანონმდებლობით დადგენილი ყველა გადასახადის ჩათვლით, მათ შორის, აღნიშნული პერიოდის განმავლობაში პრეტენდენტს, ერთი ხელშეკრულების ფარგლებში დაწყებული და დასრულებული უნდა ჰქონდეს 1 (ერთი) ობიექტის სამშენებლო სამუშაო არანაკლებ 500 000,00 (ხუთასი ათასი ლარი და 00 თეთრი) ლარის ღირებულების ოდენობით. აღნიშნული სამუშაოების შესრულების დამადასტურებლად პრეტენდენტმა უნდა წარმოადგინოს (ატვირთოს) შესაბამისი ხელშეკრულებები და შესრულებულ სამუშაოებზე გაფორმებული მიღება-ჩაბარების აქტები, ან ინფორმაცია სატენდერო განცხადების SPA და CMR ნომრების შესახებ, ან ნებისმიერი სახის დოკუმენტი, რომელიც დაადასტურებს აღნიშნული სამუშაოების შესრულების ფაქტს. პრეტენდენტის მიერ აღნიშნული ინფორმაცია მითითებული უნდა იქნას სატენდერო დოკუმენტაციით გათვალისწინებულ დანართ N4-ში. (დანართი N4 პრეტენდენტის მიერ ატვირთულ უნდა იქნას ერთიან ელექტრონულ სისტემაში);

2.6 საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.6.1 იურიდიული პირებისათვის:

ა) ცნობა საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ (უცხო ქვეყნის მონაწილეების მიერ - შესაბამისი ქვეყნის შესაბამისი სახელმწიფო ორგანოდან).

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან (უცხო ქვეყნის მონაწილეების მიერ - შესაბამისი ქვეყნის შესაბამისი სახელმწიფო ორგანოდან).

გ) არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული ამონაწერი იმ ნორმატიული აქტიდან, რითაც დასტურდება წარმოდგენილი საკვალიფიკაციო მონაცემების გამცემი შესაბამისი სახელმწიფო ორგანოების უფლებამოსილება აღნიშნულთან დაკავშირებით.

2.6.2 ფიზიკური პირებისათვის:

ა) ცნობა სსიპ შემოსავლების სამსახურიდან ბიუჯეტის წინაშე არსებული დავალიანების შესახებ (უცხო ქვეყნის მონაწილეების მიერ - შესაბამისი ქვეყნის შესაბამისი სახელმწიფო ორგანოდან).

ბ) გადასახადის გადამხდელის სარეგისტრაციო მოწმობა (უცხო ქვეყნის მონაწილეების მიერ - შესაბამისი ქვეყნის შესაბამისი სახელმწიფო ორგანოდან).

გ) არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული ამონაწერი იმ ნორმატიული აქტიდან, რითაც დასტურდება წარმოდგენილი საკვალიფიკაციო მონაცემების გამცემი შესაბამისი სახელმწიფო ორგანოების უფლებამოსილება აღნიშნულთან დაკავშირებით.

2.6.3 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (სტატუსი - სატენდერო წინადადებების მიღება დაწყებულია) დაწყების შემდეგ, ხოლო არარეზიდენტი პრეტენდენტის შემთხვევაში ამავე წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არაუგვიანეს ოცდაათი დღისა.

2.6.4 არარეზიდენტმა ფიზიკურმა და იურიდიულმა პირებმა საკვალიფიკაციო მონაცემების დამადასტურებელი დოკუმენტები უნდა წარმოადგინონ პრეტენდენტის რეგისტრაციის ადგილის მიხედვით შესაბამისი ქვეყნის კომპეტენტური სტრუქტურებიდან. ამასთან ეს დოკუმენტები უნდა იყოს ლეგალიზებული ან დამოწმებული აპოსტილით.

2.7. პრეტენდენტის მიერ სისტემაში სავალდებულოდ ასატვირთი დოკუმენტებია:

2.7.1 სატენდერო დოკუმენტაციით გათვალისწინებული დანართი N1 (სატენდერო წინადადების ფასი და ხარჯთაღრიცხვა, აღნიშნულ დანართში პრეტენდენტის მიერ მითითებულ უნდა იქნას შესასარულებელი სამუშაოების საერთო და ერთეულის ღირებულებები ამავე დანართით გათვალისწინებული რაოდენობების,

მოცულობების და პირობების შესაბამისად) ამავე დანართით გათვალისწინებული პირობების შესაბამისად. **პრეტენდენტის მიერ ხარჯთაღრიცხვის წარმოდგენლობა ან/და შეუვსებელი ხარჯთაღრიცხვის ატვირთვა გამოიწვევს მის დისკვალიფიკაციას;**

2.7.2 სატენდერო დოკუმენტაციით გათვალისწინებული დანართი N2 (**სამუშაოების შესრულების ვადები:** აღნიშნულ დანართში პრეტენდენტის მიერ მითითებული უნდა იყოს შესასრულებელი სამუშაოების კონკრეტული ვადები) ამავე დანართით გათვალისწინებული პირობების შესაბამისად.

2.7.3. სატენდერო დოკუმენტაციით გათვალისწინებული დანართი N3 (**საგარანტიო ვადა და პირობები:** აღნიშნულ დანართში პრეტენდენტის მიერ მითითებულ უნდა იქნას ინფორმაცია შესრულებული სამუშაოების გარანტიების ვადებისა და პირობების შესახებ, ამავე დანართით გათვალისწინებული პირობების შესაბამისად) ამავე დანართით გათვალისწინებული პირობების შესაბამისად.

2.7.4. სატენდერო დოკუმენტაციით გათვალისწინებული დანართი N4 (**მსგავსი განხორციელებული სამუშაოები:** აღნიშნულ დანართში პრეტენდენტის მიერ მითითებულ უნდა იქნას ინფორმაცია მსგავსი (სამშენებლო ან/და სარემონტო სამუშაოების) ტიპის სამუშაოების განხორციელების შესახებ), ამავე დანართით გათვალისწინებული პირობების შესაბამისად.

2.7.5. სატენდერო დოკუმენტაციით გათვალისწინებული დანართი N5 (**რეკვიზიტები:** აღნიშნულ დანართში პრეტენდენტის მიერ მითითებულ უნდა იქნას ინფორმაცია ორგანიზაციის რეკვიზიტების შესახებ) ამავე დანართით გათვალისწინებული პირობების შესაბამისად.

2.7.6. აღნიშნულ დანართებთან ერთად წარმოდგენილი უნდა იქნას მინიმუმ 2 (ორი) **სარეკომენდაციო წერილი** სხვადასხვა ორგანიზაციიდან, რომელთაგანაც ერთის ღირებულება არ უნა იყოს 500 000,00 (ხუთასი ათასი ლარი და 00 თეთრი) ლარზე ნაკლები, სადაც წარმატებით განხორციელდა მსგავსი (შენობის სამშენებლო-სარემონტო სამუშაოები) ტიპის სამუშაოები. აღნიშნული რეკომენდაციები გაცემული უნდა იყოს ტენდრის გამოცხადების შემდეგ და შესრულებული სამუშაოები განხორციელებული უნდა იყოს არაუადრეს 2012 წლისა. **სარეკომენდაციო წერილები დამოწმებული უნდა იყოს ორგანიზაციის ხელმძღვანელის ხელმოწერით.**

2.7.7. პრეტენდენტმა სატენდერო დოკუმენტაციასთან ერთად უნდა ატვირთოს ინფორმაცია შესასრულებელი სამუშაოების ჩატარების შემოთავაზებული ვადების შესახებ და მის შესაბამისად განსაზღვრული მშენებლობის წარმოებისა და ორგანიზაციის **ყოველთვიური კალენდარული გეგმა-გრაფიკი** (ხელმოწერილი და ბეჭედდასმული). გეგმა-გრაფიკის შესაბამისად ყოველი თვის განმავლობაში შესასრულებელი სამუშაოები ჩაითვლება სამუშაოს შესრულების ცალკეულ ეტაპებად. იმ შემთხვევაში თუ, მიმწოდებელი განახორციელებს ხელშეკრულებით განსაზღვრული გეგმა-გრაფიკის ცვლილებას, იგი ვალდებულია მიუთითოს ცვლილებების მიზეზი, ხოლო შემსყიდველი უფლებამოსილია განიხილოს წარმოდგენილი დოკუმენტები, გამოხატოს თანხმობა ან უარი.

2.7.8 პრეტენდენტმა სატენდერო დოკუმენტაციასთან ერთად უნდა ატვირთოს ინფორმაცია შესასრულებელი სამშენებლო სამუშაოების მიმდინარეობის პროცესში ქვეკონტრაქტორების გამოყენების შესახებ. მიმწოდებლის მიერ სამშენებლო სამუშაოებში ქვეკონტრაქტორების გამოყენების შემთხვევაში, წარმოდგენილ უნდა იქნას აღნიშნულის თაობაზე გაფორმებული ხელშეკრულების ასლი ან ქვეკონტრაქტორის წერილობითი დასტური პრეტენდენტის გამარჯვების შემთხვევაში მასთან ხელშეკრულების გაფორმების მზადყოფნაზე, გარდა ამისა წარმოდგენილ უნდა იქნას:

- ა) ქვეკონტრაქტორის რეკვიზიტები;
- ბ) ქვეკონტრაქტორის მიერ შესასრულებელი სამუშაოს დასახელება;
- გ) ქვეკონტრაქტორის მიერ შესასრულებელი სამუშაოს ღირებულება;
- დ) ინფორმაცია ქვეკონტრაქტორის მიერ შესრულებული ანალოგიური სამუშაოების თაობაზე.
- ე) ქვეკონტრაქტორი არ უნდა ირიცხებოდეს სახელმწიფო შესყიდვებში მონაწილე არაკეთილსინდისიერ პირთა რეესტრში (შავი სია);

2.7.9 პრეტენდენტი ვალდებულია ქვეკონტრაქტორის ცვლილების შემთხვევაში, იგი ჩაანაცვლოს ანალოგიური ან უკეთესი მონაცემების მქონე ქვეკონტრაქტორით და მის შესახებ წარმოდგენოს 2.7.8. ქუჩტში მითითებული ინფორმაცია.

2.7.9. შემსყიდველის მიერ მოთხოვნილი ყველა დოკუმენტი და/ან ინფორმაცია პრეტენდენტის მიერ ატვირთული უნდა იქნას ერთიან ელექტრონულ სისტემაში, ამასთან შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და ნოტარიულად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში. პრეტენდენტის მიერ წარმოდგენილი (ერთიან ელექტრონულ სისტემაში ატვირთული) ყველა დოკუმენტი და/ან ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან უფლებამოსილი პირის მიერ (უფლებამოსილი პირის შემთხვევაში წარმოდგენილი უნდა იქნას (ატვირთულ უნდა იქნას ერთიან ელექტრონულ სისტემაში) უფლებამოსილების დამადასტურებელი შესაბამისი დოკუმენტ(ებ)ი).

2.8. აუცილებელი პირობა:

- ✓ ტექნიკური დოკუმენტაციის შედგენისას, პრეტენდენტის მიერ გათვალისწინებული უნდა იყოს (არ უნდა იყოს დარღვეული) სატენდერო დოკუმენტაციით განსაზღვრული დანართების ფორმები (მათ შორის ნუმერაცია) და, არსებობის შემთხვევაში, მათში მითითებული აუცილებელი პირობები;
- ✓ ზედნადები ხარჯები და გეგმური მოგება უნდა განისაზღვროს ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის“ დამტკიცების შესახებ საქართველოს მთავრობის 2014 წლის 14 იანვრის №55 დადგენილების შესაბამისად.

2.9. ხელშეკრულების შესრულების უზრუნველყოფის გარანტია

2.9.1. სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესი“-ს 21-ე მუხლის საფუძველზე, ტენდერში გამოყენებული იქნება ხელშეკრულების შესრულების უზრუნველყოფის გარანტია, თუ ხელშეკრულების საერთო ღირებულება შეადგენს ან აღემატება 200 000,00 (ორასი ათასი ლარი და 00 თეთრი) ლარს.

2.9.2. ტენდერში გამოიყენება ხელშეკრულების შესრულების უზრუნველყოფის გარანტია, ხელშეკრულების საერთო ღირებულების 3%-ის ოდენობით. ხოლო, იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესყიდვის ობიექტის სავარაუდო ღირებულებაზე, ხელშეკრულების შესრულების უზრუნველყოფის გარანტია, ნაცვლად 3%-ისა, განისაზღვრება 5%-ის ოდენობით. თეთრ სიაში რეგისტრირებული მიმწოდებლისთვის გარანტიის ოდენობა ნახევრდება.

2.9.3. გამარჯვებული პრეტენდენტის მიერ ხელშეკრულების შესრულების უზრუნველყოფის გარანტია წარმოდგენილი უნდა იყოს საბანკო დაწესებულებიდან, ხელშეკრულების დადებამდე.

2.9.4. ხელშეკრულების შესრულების უზრუნველყოფის გარანტიის მოქმედების ვადა მინიმუმ 12 (თორმეტი) თვით უნდა აღემატებოდეს სამუშაოს შესრულების საბოლოო ვადას.

2.9.5. ხელშეკრულების შესრულების უზრუნველყოფის გარანტიის წარმოდგენა ხორციელდება სისტემის გამოყენების გარეშე.

2.10. დაფინანსების წყარო: სსიპ „აღსრულების ეროვნული ბიურო“-ს 2016-2017 წლების სახსრები.

2.10.1 სსიპ „აღსრულების ეროვნული ბიურო“-ს 2016 წლის სახსრებით გადასარიცხი თანხის ღირებულება შეადგენს - 500 000,00 (ხუთასი ათასი ლარი და 00 თეთრი) ლარს;

2.10.2 სსიპ „აღსრულების ეროვნული ბიურო“-ს 2017 წლის სახსრებით გადასარიცხი თანხის ღირებულება შეადგენს 249 740,00 (ორასორმოცდაცხრა ათას შვიდასორმოცი ლარი და 00 თეთრი) ლარს.

2.11. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. ქ. თბილისი, აღმაშენებლის ხეივანი მე-10 კმ. საკონტაქტო პირი: ინგა ხვედელიძე +99532 2721118 (შიდა 2307).

სამუშაოების შესრულების ვადები

სამუშაოს დასახელება	სამუშაოების შესრულების ადგილი	სამუშაოების შესრულების ვადა
2	3	4
<u>სსიპ „აღსრულების ეროვნული ბიუროს“ ტერიტორიულ ბიუროში - ქ. თელავში სასაწყობე ანგარებისა და ავტოსადგომის სამშენებლო სამუშაოები</u>	<u>ქ. თელავი, ალაზნის გამზირი (საკადასტრო კოდი 53.20.31.552)</u>	სამუშაოები დაიწყება ხელშეკრულების გაფორმების შემდეგ, შემსყიდველის წერილობითი მოთხოვნიდან არაუგვიანეს 3 (სამი) კალენდარულ დღეში და დასრულდება არაუგვიანეს 5 (ხუთი) თვის ვადაში.

შენიშვნა:
პრეტენდენტის მიერ მოცემული სამუშაოების შესრულების ვადის შემცირების შემთხვევაში შესაძლებელია მისი შეცვლა.

პრეტენდენტის ხელმოწერა _____
ბ.ა.

/ _____ /
ხელმოწერის სახელი, გვარი

მთლიანად შესრულებული სამუშაოს საგარანტიო ვადა და პირობები

შესრულებული სამუშაოს დასახელება	საგარანტიო პერიოდი (ვადა)	გარანტიის პირობები	გარანტიის პერიოდში აღმოჩენილი დეფექტების აღმოფხვრის ოპერატიულობა (ვადა)
ელ. გაყვანილობისთვის გამოყენებული სადენები	საბოლოო მიღება-ჩაბარების აქტის გაფორმებიდან 10 (ათი) წლის განმავლობაში	საგარანტიო პერიოდში აღმოჩენილი ნებისმიერი ხარვეზის აღმოფხვრა (შეკეთება და/ან შეცვლა ახლით), ასევე აღნიშნული სამუშაოების შესრულების პროცესში და საგარანტიო პერიოდში არახარისხოვნად შესრულებული სამუშაოს შედეგად გამოვლენილი ნებისმიერი სხვა ზიანის აღმოფხვრა	შეტყობილების მიღებიდან აღნიშნულ ფაქტთან დაკავშირებით შედგენილ დეფექტურ აქტში მითითებული გონივრული ვადების შესაბამისად
სხვა დანარჩენი სამუშაოები და მასალა-მოწყობილობები	საბოლოო მიღება-ჩაბარების აქტის გაფორმებიდან 5 (ხუთი) წლის განმავლობაში		
აუცილებელი პირობა: საგარანტიო პერიოდში ხარვეზების გამოვლენის შემთხვევაში, ყოველ კონკრეტულ ფაქტზე მხარეები ადგენენ დეფექტურ აქტს. აღნიშნულ აქტში გამოვლენილ ხარვეზებთან (დაზიანებებთან) ერთად მითითებულ უნდა იქნას შემსყიდველსა და მიმწოდებელს შორის ურთიერთმოლაპარაკების საფუძველზე დადგენილი ზიანის აღმოფხვრისთვის საჭირო გონივრული ვადები.			

შენიშვნა:

პრეტენდენტის მიერ მოცემული საგარანტიო პერიოდების გაზრდის შემთხვევაში შესაძლებელია მისი შეცვლა.

პრეტენდენტის ხელმოწერა _____
ბ.ა.

/ _____ /
ხელმოწერის სახელი, გვარი

მსგავსი განხორციელებული სამუშაოები

(პრეტენდენტის დასახელება)

№	ორგანიზაციის დასახელება სადაც განხორციელდა მსგავსი სამუშაოები	შესრულებული სამუშაოს დასახელება	შესრულებული სამუშაოს პერიოდი	აღნიშნული სამუშაოს ღირებულება
1	2	3	4	5
1.				
2.				
3.				
.				
.				
n				

შენიშვნა:

მე-3 გრაფაში, შესრულებული სამუშაოების დასახელებებთან ერთად მითითებულ უნდა იქნას SPA და CMR ნომრები, თუკი შესყიდვის პროცედურა განხორციელებულია შესყიდვების ერთიანი ელექტრონული სისტემის გამოყენებით.

აუცილებელი პირობა:

აღნიშნულ ფორმაში პრეტენდენტის მიერ წარმოდგენილი უნდა იქნას ინფორმაცია 2012 წლიდან დღემდე (ტენდერის გამოცხადების თარიღამდე) განხორციელებული მსგავსი (შენიშვნის სამშენებლო-სარემონტო სამუშაოები) ტიპის სამუშაოების შესახებ, რომლის ღირებულებაც ჯამში არ უნდა იყოს 2 500 000,00 (ორი მილიონ ხუთასი ათასი ლარი და 00 თეთრი) ლარზე ნაკლები, საქართველოს კანონმდებლობით დადგენილი ყველა გადასახადის ჩათვლით, მათ შორის, აღნიშნული პერიოდის განმავლობაში პრეტენდენტს, ერთი ხელშეკრულების ფარგლებში დაწყებული და დასრულებული უნდა ჰქონდეს 1 (ერთი) ობიექტის სამშენებლო სამუშაო არანაკლებ 500 000,00 (ხუთასი ათასი ლარი და 00 თეთრი) ლარის ღირებულების ოდენობით. აღნიშნული სამუშაოების შესრულების დამადასტურებლად პრეტენდენტმა უნდა წარმოადგინოს (ატვირთოს) შესაბამისი ხელშეკრულებები და შესრულებულ სამუშაოებზე გაფორმებული მიღება-ჩაბარების აქტები, ან ინფორმაცია სატენდერო განცხადების SPA და CMR ნომრების შესახებ, ან ნებისმიერი სახის დოკუმენტი, რომელიც დაადასტურებს აღნიშნული სამუშაოების შესრულების ფაქტს. პრეტენდენტის მიერ აღნიშნული ინფორმაცია მითითებული უნდა იქნას სატენდერო დოკუმენტაციით გათვალისწინებულ დანართ N4-ში. (დანართი N4 პრეტენდენტის მიერ ატვირთულ უნდა იქნას ერთიანი ელექტრონულ სისტემაში);

აღნიშნულ დანართებთან ერთად წარმოდგენილი უნდა იქნას მინიმუმ 2 (ორი) **სარეკომენდაციო წერილი** სხვადასხვა ორგანიზაციიდან, რომელთაგანაც ერთის ღირებულება არ უნა იყოს 500 000,00 (ხუთასი ათასი ლარი და 00 თეთრი) ლარზე ნაკლები, სადაც წარმატებით განხორციელდა მსგავსი (შენიშვნის სამშენებლო-სარემონტო სამუშაოები) ტიპის სამუშაოები. აღნიშნული რეკომენდაციები გაცემული უნდა იყოს ტენდერის გამოცხადების შემდეგ და შესრულებული სამუშაოები განხორციელებული უნდა იყოს არაუადრეს 2012 წლისა. **სარეკომენდაციო წერილები დამოწმებული უნდა იყოს ორგანიზაციის ხელმძღვანელის ხელმოწერით.**

პრეტენდენტის ხელმოწერა _____

ბ.ა

_____ /
ხელმოწერის სახელი, გვარი

რ ე კ ვ ი ზ ი ტ ე ბ ი

პრეტენდენტის დასახელება	
საინფორმაციო კოდი	
იურიდიული მისამართი	
ფაქტობრივი მისამართი	
ოფისის ტელეფონი	
მობილური ტელეფონი	
ფაქსი	
E-mail	
ხელმძღვანელის თანამდებობა სახელი გვარი	
მომსახურე ბანკის დასახელება, ბანკის კოდი	
ანგარიშის ნომერი	

პრეტენდენტის ხელმოწერა _____
ბ.ა

/ /
ხელმოწერის სახელი, გვარი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულების დამდები მხარეები

ერთი მხრივ საქართველოს იუსტიციის სამინისტროს სსიპ „აღსრულების ეროვნული ბიურო“ ფინანსების, სტატისტიკისა და შესყიდვების სამსახურის უფროსის ----- სახით (შემდგომში „შემსყიდველი“) იურიდიული მისამართი ქ. თბილისი, დ. აღმაშენებლის ხეივანი მე-10 კმ.; ს/კ 205263873; მიმღები ბანკი - სახელმწიფო ხაზიანა; მიმღების დასახელება - ხაზინის ერთიანი ანგარიში; ბანკის კოდი - TRESGE22; მიმღების ანგარიში/სახაზინო კოდი - 707453459

(ორგანიზაციის დასახელება და იურიდიული მისამართი)

და მეორეს მხრივ ----- მისი ----- სახით, იურიდიული მისამართი ----- (შემდგომში მიმწოდებელი)

(ორგანიზაციის დასახელება და იურიდიული მისამართი)

1. ხელშეკრულების ღირებულება

1.1 შემსყიდველმა გამოაცხადა სსიპ „აღსრულების ეროვნული ბიუროს“ ტერიტორიულ ბიუროში - ქ. თელავში სასაწყობო ანგარებისა და ავტოსადგომის სამშენებლო სამუშაოების შესყიდვაზე (CPV 45200000; 45213000) ელექტრონული ტენდერი (SPA-----) და ტენდერის შედეგად მიმწოდებელმა აიღო ვალდებულება შეასრულოს ზემოაღნიშნული სამუშაოები ----- (----- ლარი და --- თეთრი) ლარად, მოცემული თანხა წარმოდგენილია ერთიან ელექტრონულ სისტემაში ელექტრონული ვაჭრობის შედეგად დაფიქსირებული საბოლოო თანხის შესაბამისად. (აღნიშნული სამუშაოები მოიცავს ქ. თელავში (მის: ალაზნის გამზირი, საკადასტრო კოდი 53.20.31.552) სასაწყობო ანგარებისა და ავტოსადგომის სამშენებლო სამუშაოებს).

1.2 ხელშეკრულების საერთო ღირებულება შეადგენს ----- (----- ლარი და --- თეთრი) ლარს.

2. ხელშეკრულების შესრულების კონტროლი

2.1 შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება მიმწოდებლის მიერ წარმოდგენილი ხარჯთაღრიცხვის შესაბამისად, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან ამასთანავე, მიმწოდებელი ვალდებულია წინასწარ შეათანხმოს შემსყიდველთან სამუშაოების პროცესში გამოსაყენებელი მასალების ხარისხი.

2.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ან/და მისი ნაწილის შესახებ წუნდების მიზეზების მითითებით.

2.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

2.4. მიმწოდებელმა სამუშაოთა წარმოების ნორმების მიხედვით სისტემატურად უნდა აწარმოოს მასალებისა და შესრულებული სამუშაოს ხარისხის კონტროლი;

2.5. შემსყიდველს უფლება აქვს განახორციელოს ტექნიკური ზედამხედველობა, სამუშაოების ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი უფლებამოსილია შეაჩეროს სამუშაოთა წარმოება და აკრძალოს შეუსაბამო მასალების გამოყენება.

2.6. მიმწოდებელი ვალდებულია ხელი შეუწყოს შემსყიდველს შემოწმების-ზედამხედველობის ჩატარების დროს.

2.7. ხელშეკრულების ინსპექტირებას შემსყიდველის მხრიდან განახორციელებს სსიპ „აღსრულების ეროვნული ბიურო“-ს ლოჯისტიკის სამსახურის თანამშრომლები.

3. სამუშაოს შესრულების ვადები და პირობები

3.1 სამუშაოების შესრულების ვადები და პირობები მოცემულია დანართი N2-ში;

3.2. მიმწოდებელი ვალდებულია წარმოდგენილი სატენდერო წინადადებით განსაზღვრული სამუშაოები დაიწყოს ხელშეკრულების გაფორმების შემდეგ, შემსყიდველის წერილობითი მოთხოვნიდან არაუგვიანეს 3 (სამი)

კალენდარულ დღეში და დაასრულოს დანართი N2-ით გათვალისწინებული ვადების განმავლობაში (დანართი N2 თან ერთვის აღნიშნულ ხელშეკრულებას და ითვლება მის განუყოფელ ნაწილად).

3.3. მიმწოდებელი ვალდებულია მის მიერ შემოთავაზებული ვადებისა და ყოველთვიური კალენდარული გეგმა-გრაფიკის შესაბამისად, განახორციელოს სამუშაოები სრულად.

3.4. ობიექტის კონკრეტული მისამართი მოცემულია დანართი N2-ში.

4. თანმდევი მომსახურება

4.1 მიმწოდებელმა სამუშაოების დასრულების შემდეგ, თავისი ძალებითა და სახსრებით უნდა გაანთავისუფლოს სამუშაო ადგილები სამშენებლო მოწყობილობა-დანადგარებისაგან, დროებითი ნაგებობებისაგან, ასევე სამშენებლო ნარჩენებისაგან.

5. შესყიდვის ობიექტის მიღება-ჩაბარების წესი

5.1. მთლიანად შესრულებული სამუშაოს ან სამუშაოს ეტაპის მიღება-ჩაბარებისთვის (შესრულებულ სამუშაოთა მიღება-ჩაბარების აქტის გაფორმებისათვის ყოველ კონკრეტულ შემთხვევაზე) მიმწოდებელმა ყოველთვიურად შემსყიდველს უნდა წარუდგინოს ფორმა N2, შესრულებული სამუშაოების მოცულობების და ხარისხის დადგენის მიზნით სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ ან სხვა შესაბამის სფეროში აკრედიტებული პირის მიერ გაცემული დასკვნა (სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა შესაბამის სფეროში აკრედიტებული პირის ხარჯებს ანაზღაურებს მიმწოდებელი) და ფარული სამუშაოების აქტი (ასეთის არსებობის შემთხვევაში) დადასტურებული შემსყიდველის წარმომადგენლის მიერ. სამუშაოთა საბოლოო მიღება-ჩაბარება განხორციელდება მათი დამთავრების შემდეგ თანახმად ტექნიკური პირობებისა, მოქმედი სამშენებლო ნორმებითა და წესებით განსაზღვრული აქტების საფუძველზე.

5.2. სსიპ „ლევან სამხარაულის სახელობის სასამართლო ექსპერტიზის ეროვნულ ბიუროს“-ში ან სხვა შესაბამის სფეროში აკრედიტებულ პირთან ფორმა N2-ის ჩაბარების შემდეგ მიმწოდებელი ვალდებულია არაუგვიანეს მეორე სამუშაო დღისა წარუდგინოს შემსყიდველს ჩაბარების დამადასტურებელი დოკუმენტი და აღნიშნული ფორმა N2-ის ერთი ეგზემპლარი. მიმწოდებელი ასევე ვალდებულია ექსპერტის მიერ მოთხოვნილი (ასეთის არსებობის შემთხვევაში) ყოველი ახალი საბუთის და/ან დოკუმენტის წარდგენის შემთხვევაში არაუგვიანეს მეორე სამუშაო დღისა წარუდგინოს შემსყიდველს აღნიშნული ინფორმაცია და მოცემული საბუთ(ებ)ის და/ან დოკუმენტ(ებ)ის ასლები, ასევე აღნიშნული საბუთ(ებ)ის და/ან დოკუმენტ(ებ)ის ჩაბარების დამადასტურებელი დოკუმენტ(ებ)ი.

5.3. შემსყიდველი ვალდებულია ოპერატიულად, სიტყვიერი და წერილობითი სახით, აცნობოს მიმწოდებელს შემოწმების შედეგები დაწუნებული სამუშაოს მოცულობისა და წუნდების მიზეზის მითითებით.

5.4. სამუშაოების შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.5. ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს სსიპ „აღსრულების ეროვნული ბიუროს“-ს ლოჯისტიკის სამსახურის უფროსი/მოვალეობის შემსრულებელი.

6. გარანტია

6.1. წინამდებარე ხელშეკრულების შესაბამისად შესრულებული და გადმოცემული სამუშაოების საგარანტიო პერიოდი და პირობები განსაზღვრულია N3 დანართით. საგარანტიო ვადის ათვლა დაიწყება სამუშაოების დასრულების შემდეგ საბოლოო მიღება-ჩაბარების აქტზე ორივე მხარის მიერ ხელმოწერის დღიდან.

6.2. მიმწოდებელი იძლევა გარანტიას, რომ მის მიერ სამუშაოები განხორციელდება მაღალხარისხივად, სამშენებლო ნორმების და სტანდარტების სრული დაცვითა და მის მიერ წარმოდგენილი ტექნიკური პირობებით განსაზღვრული პირობების შესაბამისად, სამუშაოების მიმდინარეობის პროცესში გამოყენებული ყველა მასალა-მოწყობილობა იქნება ახალი, ქარხნული წარმოების და მაღალის ხარისხის, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს, როგორც სამუშაოების მიმდინარეობის პერიოდში ასევე საგარანტიო პერიოდში აღმოჩენილი ნებისმიერი ხარვეზის აღმოფხვრა, ასევე აღნიშნული სამუშაოების შესრულების პროცესში და საგარანტიო პერიოდში არახარისხივად შესრულებული სამუშაოების შედეგად გამოვლენილი ნებისმიერი სხვა ზიანის აღმოფხვრა შემსყიდველის მხრიდან შეტყობინების მიღებიდან N3 დანართით განსაზღვრული პირობების შესაბამისად (დანართი N3 თან ერთვის აღნიშნულ ხელშეკრულებას და ითვლება მის განუყოფელ ნაწილად).

6.3. საგარანტიო ვადის განმავლობაში მიმწოდებლის მხრიდან დანართი N3-ით განსაზღვრული პირობების დარღვევის შემთხვევაში შემსყიდველი უფლებამოსილია მიმართოს სასამართლოს მიყენებული ზიანის ასანაზღაურებლად.

6.4. ამ ხელშეკრულებით გათვალისწინებული სამუშაოების წარმოების პერიოდში, აგრეთვე საგარანტიო ვადაში მიმწოდებლის მიერ შემსყიდველზე ან/და მესამე პირზე მიყენებული ზიანის რისკი ეკისრება მიმწოდებელს.

7. ანგარიშსწორება

- 7.1. ანგარიშსწორება მიმწოდებელთან განხორციელდება ლარებში, 2016-2017 წლების საკუთარი შემოსავლებით.
- 7.2. ანგარიშსწორება მიმწოდებელთან შესაძლებელია განხორციელდეს ეტაპობრივად ყოველ კონკრეტულ შემთხვევაში ფაქტიურად შესრულებულ სამუშაოებზე შესაბამისი მიღება-ჩაბარების აქტის გაფორმების და საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.
- 7.3. ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.
- 7.4. 7.2 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 5.5 პუნქტში მითითებული პირი.
- 7.5. შესაძლებელია განხორციელდეს წინასწარი ანგარიშსწორება შემსყიდველის მიერ განსაზღვრული და მასთან წინასწარ შეთანხმებული ოდენობის შესაბამისად, მაგრამ არაუმეტეს ხელშეკრულების ჯამური ღირებულების 40%-ისა. წინასწარი ანგარიშსწორების შემთხვევაში ანგარიშსწორება განხორციელდება მიმწოდებლის მიერ წარმოდგენილი წინასწარ გადასახდელი თანხის იდენტური ოდენობის საბანკო გარანტიის საფუძველზე წარმოდგენიდან 10 (ათი) სამუშაო დღის ვადაში. აღნიშნულ გარანტიაში მითითებული უნდა იქნას შესყიდვის კონკრეტული დასახელება, აღნიშნულ შესყიდვასთან დაკავშირებით გაფორმებული ხელშეკრულების ნომერი და მიმწოდებლის საიდენტიფიკაციო კოდი. აღნიშნული გარანტიის მოქმედების ვადა მინიმუმ 90 კალენდარული დღით უნდა აღემატებოდეს სამუშაოს შესრულების საბოლოო ვადას. თეთრ სიაში რეგისტრირებული პრეტენდენტისთვის საბანკო გარანტიის ოდენობა ნახევრდება.
- 7.6. ყოველი მიღება-ჩაბარების აქტის გაფორმების შემდეგ (წინასწარ გადახდილი თანხის ამოწურვამდე) შემსყიდველი იღებს ვალდებულებას გადაუხადოს მიმწოდებელს მიღებული სამუშაოს ღირებულების 60% საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენისა და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.
- 7.7. წინასწარ გადახდილი თანხის გათავისუფლება განხორციელდება ეტაპობრივად, ყოველ ეტაპზე მიღებული სამუშაოს 40%-ის ოდენობით, იმ პირობით, რომ თეთრ სიაში რეგისტრირებული მომხმარებლისთვის ჯერ გაიქვითება წინასწარ გადახდილი თანხის ის ნაწილი, რომელზედაც არ არის წარმოდგენილი საბანკო გარანტია.
- 7.8. წინასწარი გადახდილი თანხის გაქვითვის შემდეგ, ანგარიშსწორება იწარმოებს ფაქტობრივად შესრულებული სამუშაოს მიხედვით, შესაბამისი საგადასახადო ანგარიშ-ფაქტურის წარმოდგენისა და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.
- 7.9. საბოლოო მიღება-ჩაბარების აქტის გაფორმებიდან 10 (ათი) სამუშაო დღის ვადაში შემსყიდველი მიმწოდებელს გადაუხდის მიღებული სამუშაოს ღირებულებასა და მიმწოდებელზე გადახდილ თანხებს შორის სხვაობას.
- 7.10. შემსყიდველი უფლებამოსილია, ხოლო მიმწოდებელი თანახმაა ხელშეკრულების 10.2 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან და გადარიცხოს მიმწოდებლის სახელით სსიპ „აღსრულების ეროვნული ბიუროს“ ანგარიშზე სახელმწიფო ხაზინაში.

8. ხელშეკრულებაში ცვლილებების შეტანა

- 8.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორების გარდა.
- 8.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 8.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 8.5. ხელშეკრულების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. მხარეთა უფლება-მოვალეობები

- 9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 9.2. შემსყიდველი ვალდებულია:
- 9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.2.2. უზრუნველყოს ტერიტორიების მზადყოფნა სამუშაოების დასაწყებად, სამუშაოების შესრულების ადგილები მითითებულია დანართი N2-ში.
- 9.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოს ღირებულება.

9.2.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

9.3. შემსყიდველს უფლება აქვს:

9.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;

9.3.2. განახორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების და მოქმედი სტანდარტების გათვალისწინებით.

9.3.3. ხელი მოაწეროს სამუშაოების მიღება-ჩაბარების (შესრულების) აქტ(ებ)ს;

9.3.4. აღნიშნულ ობიექტზე სამუშაოების პროცესში მოთხოვოს მიმწოდებელს მის მიერ გამოსაყენებელი ყველა მასალა-მოწყობილობის საერთაშორისო სტანდარტის დამადასტურებელი სერთიფიკატ(ებ)ი, ასევე სამუშაოების ნებისმიერ ეტაპზე მოთხოვოს მიმწოდებელს აღნიშნული სამუშაოებისთვის განკუთვნილი გამოსაყენებელი მასალებისა და მოწყობილობების ნიმუშ(ებ)ის წარმოდგენა. (მოთხოვნა შესაძლოა განხორციელდეს როგორც წერილობით ასევე სიტყვიერად), შემსყიდველს უფლება აქვს დაიწუნოს აღნიშნული ნიმუშები, როგორც ხარისხის, ასევე ვიზუალური თვალსაზრისით.

9.3.5. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

9.3.6. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

9.4. მიმწოდებელი ვალდებულია:

9.4.1. სამუშაოები აწარმოოს შემსყიდველის მიერ წარმოდგენილი პროექტისა და დანართი N1-ში მოცემული კონკრეტული სამუშაოების, მოცულობების და პირობების მიხედვით (დანართი N1 და პროექტი თან ერთვის აღნიშნულ ხელშეკრულებას და ითვლება მის განუყოფელ ნაწილად);

9.2.3. ხელშეკრულებით გათვალისწინებული სამუშაოების შესრულებისას, ყველა განსაკუთრებული გარემოების წარმოშობის შემთხვევაში წერილობით აცნობოს შემსყიდველს;

9.4.2. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.4.3. სამშენებლო ნორმებისა და წესების სრული დაცვით უზრუნველყოს სამუშაოთა მაღალი ხარისხით შესრულება და მათი დამთავრება ხელშეკრულების 3.2 პუნქტით განსაზღვრულ ვადებში;

9.4.4. სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

9.4.5. აღნიშნულ ობიექტზე სამუშაოების პროცესში შემსყიდველის მოთხოვნის შემთხვევაში წარუდგინოს შემსყიდველს მის მიერ გამოსაყენებელი ყველა მასალა-მოწყობილობის საერთაშორისო სტანდარტის დამადასტურებელი სერთიფიკატ(ებ)ი, ასევე სამუშაოების ნებისმიერ ეტაპზე შემსყიდველის მოთხოვნის შემთხვევაში წარუდგინოს შემსყიდველს აღნიშნული სამუშაოებისთვის განკუთვნილი გამოსაყენებელი მასალებისა და მოწყობილობების ნიმუშ(ებ)ი მოთხოვნიდან 2 (ორი) სამუშაო დღის ვადაში (მოთხოვნა შესაძლოა განხორციელდეს როგორც წერილობით ასევე სიტყვიერად), აღნიშნული ნიმუშები, როგორც ხარისხის, ასევე ვიზუალური თვალსაზრისით შეიძლება დაწუნებულ იქნას შემსყიდველის მიერ. იმ შემთხვევაში, თუ მიმწოდებლის მიერ წარმოდგენილი ნიმუშები და/ან შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოსწოროს, წარმოადგინოს სხვა, შემსყიდველისათვის მისაღები მასალა, მოწყობილობა და სამუშაო.

9.4.6. სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით და მიმწოდებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების, აღჭურვილობა და მექანიზმების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.

9.4.7. მიმწოდებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

9.4.8. მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები ობიექტის ზონაში ხანძრის გაჩენის და აფეთქების თავიდან ასაცილებლად.

9.4.9. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე.

9.5. მიმწოდებელს უფლება აქვს:

9.5.1. მოთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება.

10. ხელშეკრულების პირობების შეუსრულებლობა

10.1 მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

10.2. შემსყიდველი უფლებამოსილია ამ ხელშეკრულების 3.3 პუნქტით განსაზღვრული სამუშაოების შესრულების ყოველთვიური კალენდარული გეგმა-გრაფიკის ვადის დარღვევის შემთხვევაში დააკისროს მიმწოდებელს პირგასამტეხელო ყოველ ვადაგადაცილებულ დღეზე შეუსრულებელი სამუშაოს ღირებულების 0,02%-ის ოდენობით (ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც დაჭირდება სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ ან სხვა შესაბამის სფეროში აკრედიტებული პირის მიერ დასკვნის (ცნობის) გასაცემას);

10.2.1. შემსყიდველი უფლებამოსილია ამ ხელშეკრულების 6.2 და 6.3 პუნქტების შეუსრულებლობის შემთხვევაში, ყოველ კონკრეტულ შემთხვევაზე დააკისროს მიმწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 0,02%-ის ოდენობით;

10.2.2. შემსყიდველი უფლებამოსილია ამ ხელშეკრულებით გათვალისწინებული ნებისმიერი სხვა პირობების დარღვევის შემთხვევაში, ყოველ კონკრეტულ ფაქტზე დააკისროს მიმწოდებელს პირგასამტეხელო ხელშეკრულების საერთო ღირებულების 0,02%-ის ოდენობით;

10.2.3. იმ შემთხვევაში თუ ხელშეკრულების 10.2. პუნქტ(ებ)ით გათვალისწინებული პირგასამტეხელოს რაოდენობა მიაღწევს მთლიანი სახელშეკრულებო ღირებულების 10%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ათავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

10.3. მიმწოდებელი უფლებამოსილია ამ ხელშეკრულების 7.2 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხელო ყოველ ვადაგადაცილებულ დღეზე მოცემულ მომენტში გადასარიცხი თანხის 0,02%-ის ოდენობით;

10.4. მხარეები თავისუფლდებიან პასუხისმგებლობისაგან:

10.4.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

10.4.2. ის მხარე, რომელიც ხელშეკრულების 10.4.1. ქვეპუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 (ხუთი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

10.4.3. ხელშეკრულების 10.4.2. ქვეპუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადად შეწყვიტონ ხელშეკრულება.

11. ხელშეკრულების შესრულების უზრუნველყოფის გარანტია

11.1 ხელშეკრულებაში გამოყენებულია მიმწოდებლის მხრიდან ხელშეკრულების შესრულების უზრუნველყოფის საბანკო გარანტია მთლიანი სახელშეკრულებო თანხის - ----- პროცენტის ოდენობით, რომლის ვადა 12 (თორმეტი) თვით აღემატება სამუშაოს შესრულების საბოლოო ვადას.

11.2 შემსყიდველის მიერ აღნიშნული საბანკო გარანტიის გამოყენების და დაბრუნების პირობები მოცემულია ხელშეკრულების 11.3 და 11.4 პუნქტებში.

11.3 შემსყიდველი უფლებამოსილია საბანკო გარანტიის მოქმედების ვადაში მიმართოს გარანტს და მოითხოვოს საბანკო გარანტიით განსაზღვრული თანხის გადახდა თუ:

11.3.1 ხელშეკრულება შეწყდა 13.1 და 13.2 პუნქტის შესაბამისად;

11.3.2 ხელშეკრულების მოქმედების ვადის განმავლობაში მიმწოდებელმა ვერ უზრუნველყო ხელშეკრულებით გათვალისწინებული სამუშაოს შესრულება.

11.4 საბანკო გარანტია მიმწოდებელს დაუბრუნდება:

11.4.1 მიმწოდებლის მიერ ხელშეკრულებით ნაკისრი ვალდებულებების სრულად შესრულებისას.

12. სადაო საკითხების გადაწყვეტა

12.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ერთობლივი მოლაპარაკებების საფუძველზე.

12.2. თუ შემსყიდველი და მიმწოდებელი მოლაპარაკებების დაწყებიდან 10 (ათი) დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

13. ხელშეკრულების შეწყვეტა

13.1. ხელშეკრულება შეიძლება შეწყდეს:

- 13.1.1 მხარეთა წერილობითი შეთანხმებით;
- 13.1.2 ხელშეკრულების ვადის გასვლის გამო;
- 13.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 13.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:
- 13.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- 13.2.2 მიმწოდებელი სისტემატიურად ან/და უხეშად არდევს ხელშეკრულების პირობებს;
- 13.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
- 13.2.4 მიმწოდებლის გაკოტრების შემთხვევაში;
- 13.2.5 მიმწოდებლის საკვალიფიკაციო მონაცემები ყალბი აღმოჩნდება;
- 13.2.6 საქართველოს კანონმდებლობით გათვალისწინებულ სხვა შემთხვევებში.
- 13.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

14. ხელშეკრულების მოქმედების ვადა

- 14.1 ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2017 წლის -----
----- ჩათვლით, გარდა მე-6 პუნქტისა.
- 14.2 წინდამდებარე ხელშეკრულების მე-6 პუნქტი მოქმედებს 6.1 პუნქტში აღნიშნული ვადების განმავლობაში.
- 14.3 ხელშეკრულება შედგენილია 3 ეგზემპლარად და თითოეულ მათგანს გააჩნია თანაბარი იურიდიული ძალა; ხელშეკრულების 1 ეგზემპლარი ინახება „მიმწოდებელთან“; 2 ეგზემპლარი „შემსყიდველთან“.

„შემსყიდველი“

„მიმწოდებელი“